



Broj:05-4700-4/17

Sarajevo, 26. 12. 2017. godine

Na osnovu člana 64. stav (1) tačka b) Zakona o javnim nabavkama („Službeni glasnik BiH“, broj 39/14), člana 70. stav (1), (3) i (6) Zakona, član 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14), preporuke Komisije iz Zapisnika o pregledu i ocjeni ponuda, broj: 05-4700-3/17 od 21. 12. 2017. godine, i člana 22. Statuta Agencije za bankarstvo Federacije BiH („Službene novine Federacije BiH, broj 42/04), u postupku javne nabavke usluga održavanja motornih vozila direktor Agencije za bankarstvo Federacija BiH donio je

ODLUKU

o izboru najpovoljnijeg ponuđača u postupku nabavke usluga

Član 1.

Prihvata se preporuka Komisije za iz Zapisnika o pregledu i ocjeni ponuda broj: 05-4700-3/17 od 21. 12. 2017. godine i okvirni sporazum za nabavu usluga održavanja motornih vozila za potrebe Agencije za bankarstvo FBiH dodjeljuje se društvu Unitrade d.o.o. Ljubuški kao najpovoljnijem ponuđaču po predmetnom postupku nabavke.

Član 2.

Ukupna ponuđena cijena usluga iz člana 1. ove odluke, iznosi 18.966,44 KM, bez poreza na dodanu vrijednost (PDV), što u konačnici, s uračunatim PDV-om, iznosi 22.190,73 KM.

Član 3.

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

Član 4.

U skladu sa odredbama člana 70. stav (6) Zakona, Agencija objavit će ovu odluku na svojoj internetskoj stranici www.fba.ba, istovremeno s upućivanjem iste ponuđaču koji je sudjelovao u ovom postupku.

Član 5.

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka javne nabavke usluga održavanja motornih vozila, broj: 05-4700/17 od 05. 12. 2017. godine, odobreno je provođenje postupka nabavke predmetnih usluga za potrebe Agencije. Javna nabavka je provodena putem konkurentskog zatjeva za dostavu ponuda, a kao kriterij za dodjelu okvirnog sporazuma odabrana je najniža cijena tehnički prihvatljive ponude.

U skladu s odredbama člana 35. Zakona, Obavještenje o nabavci broj: 3010-7-2-306-3-48/17 objavljeno je na portalu javnih nabavki 06. 12. 2017. godine. Procijenjena vrijednost javne nabavke utvrđena je u iznosu od 15.000,00 KM – bez poreza na dodanu vrijednost (PDV).



U skladu s odlukom ugovornog organa imenovana je Komisija za javne nabavke, kojom su definirane njene nadležnosti, koje uključuju poslove otvaranja, pregleda i ocjene ponuda, te davanja preporuke za odabir najpovoljnijeg ponuđača.

Slijedom navednog, Komisija je okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su po predmetnom postupku nabavke evidentirane dvije pravovremeno pristigle ponude.

Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova nadmetanja, Komisija je utvrdila:

- da ponuda ponuđača „Unitrade“ d.o.o. Ljubuški ispunjava sve uslove i zahtjeve iz tenderske dokumentacije, pa je ocijenjena kao prihvatljiva za ugovorni organ u predmetnom postupku nabavke
- da se ponuda ponuđača „AC Quattro“ d.o.o. Sarajevo odbacuje kao neprihvatljiva u skladu s članom 68. stav (1) Zakona.

U ponudi navedenog ponuđača evidentirana je slijedeća nepravilnost:

- Ponuđač „AC Quattro“ d.o.o Sarajevo nije ispunio minimalne uvjete za kvalifikaciju navedene u poglavlju 3. (Uslovi za kvalifikaciju ponuđača i potrebni dokazi), tačka 3.4 (Tehnička i profesionalna sposobnost), tako što su dostavljenje Izjave o prosječnom godišnjem broju zaposlenih u posljednje tri godine (2014. 2015. i 2016.) i Izjave o ispunjenju uslova iz člana 50. tačka e) Zakona, da ima na raspolaganju jedan servisni centar ili s istim mogu raspolagati po nekom osnovu, koje nije ovjerio kod nadležnog organa.

Navedeno odstupanje u suprotnosti je sa zadanim uslovima iz tačke 3.4.2. Traženi dokazi vezano za tehničku i profesionalnu sposobnost ponuđača, pod tačkama d) i e).

Nadalje, kako ponuda ponuđača „Unitrade“ d.o.o. Ljubuški jedina ispunjava sve uslove i zahtjeve iz tenderske dokumentacije te je ista ocijenjena kao prihvatljiva za ugovorni organ, pa je u skladu s navedenim Komisija dala preporuke da se istom, saglasno članu 69. stav (1) tačka a) Zakona, dodijeli okvirni sporazum u predmetnom postupku javne nabavke ovih usluga.

U postupku donošenja ove odluke posebno su cijanjene činjenice da je komisija, pravilno i potpuno, izvršila ocjenu kvalificiranosti ponuđača te pregled i ocjenu ponuda, u skladu s kriterijima iz tenderske dokumentacije.

U postupku ocjene provedenog postupka, ocijenjeno je da je komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uvažavajući sve navedeno, primjenom člana 64. stav 1. tačka b) Zakona, člana 70. stavovi 1.,3. i 6. Zakona i člana 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 22. Statuta ugovornog organa, odlučeno je kao u tački I. ove odluke.



POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članu 97. i 101. Zakona.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



Dostaviti:

- svim učesnicima u postupku
- a.a.